



REPUBLIKA E SHQIPËRISË

UNIVERSITETI I ELBASANIT “ALEKSANDËR XHUVANI”
REKTORATI

**FORMATI I PUNIMIT
BULETINI SHKENCOR UNIEL**

Punimi i plotë duhet të dërgohet në format elektronik në adresën e *e-mail*-it: buletini@uniel.edu.al, në formatin e kërkuar si më poshtë, si dhe i shoqëruar me figurat (fotografitë) me cilësi të mirë (në qoftë se ka të tilla). Dorëzimi i punimeve është i hapur për seritë :

- Seria e Shkencave Shoqërore;
- Seria e Shkencave Psiko-pedagogjike
- Seria e Shkencave të Natyrës, Ekonomike dhe Mjekësore.

Dorëzimi i punimeve është i hapur nga periudha **1 Tetor - 31 dhjetor 2021**.

Punimi nuk duhet të jetë botuar më parë, në asnjë revistë tjetër brenda dhe jashtë vendit.

Vetëm punimi i saktë dhe i plotë pranohet. Ai diskutohet për recens në mbledhjen e Redaksisë përkatëse. Një Recensues anonim më afër fushës shkencore të punimit jep mendim me shkrim për cilësinë dhe shkallën e përmirësimit. Autori përgjegjës informohet nga Redaksia, kur punimi ka nevojë për përmirësime ose plotësime të mëtejshme.

Gjatësia dhe madhësia e punimit:	Punimi duhet të shkruhet në Microsoft® Office Word 97-2003 . I gjithë punimi duhet të jetë 3000 – 5000 fjalë.
Gjuha e punimit:	<p>Punimi duhet të shkruhet në Gjuhën shqipe dhe angleze. Ju lutemi shkruani punimin tuaj në gjuhën shqipe të saktë dhe të kuptueshme duke shmangur përdorimin e fjalëve të huaja. Në rast se është domosdoshmëri përdorimi i tyre atëherë është e nevojshme të përkthehen në kllapa ose në “footnote”. Sigurohuni që dorëshkrimi juaj të jetë kontrolluar nga ana drejtshkrimore dhe gramatikore para dorëzimit.</p> <p>Janë të pranueshme edhe dorëshkrime në gjuhën angleze, kur cilësia e gjuhës plotëson kërkesat, dhe teksti është redaktuar më parë nga një person i autorizuar për gjuhën angleze.</p>
Fonti:	Times New Roman, single line (vijëzimi justified)



REPUBLIKA E SHQIPËRISË

UNIVERSITETI I ELBASANIT "ALEKSANDËR XHUVANI"
REKTORATI

Formatimi i punimit:	<p>Font: 11 Orientation: Portrait Page Layout - Size: B5(JIS), 7,17" x 10,12 Page Layout - Margins: Moderate 1" x 1", 0,75" x 0,75" Text Alignment: Justified</p> <p>Line Spacing: 1,15</p> <p>Mos vendosni numër faqesh. Mos e formatoni tekstin në kolona të shumta. Mos lini paragrafë. Linjat bosh duhet të lihen vetëm nëse është e nevojshme. Mos përdorni hapësira të shumta.</p>
Organizimi i punimit:	<p>Elementet që duhet të përmbajë një punim:</p> <ul style="list-style-type: none">• Titulli, autori/ët dhe përkatësitë• Abstrakti dhe fjalët kyç• Hyrja/Prezantimi• Materiale dhe metoda• Rezultatet• Diskutim• Përfundime/ Konkluzione• Referencat• Shtojca (t) (nëse aplikohet)
Titulli:	<p>Titulli duhet të jetë specifik, konciz, i kuptueshëm dhe të përçojë idenë qendrore të punimit për lexuesit jashtë fushës.</p> <p>Titulli duhet të shtypet me germa KAPITALE me font 14 dhe me Bold. Titulli i punimit nuk duhet të ketë më shumë se 250 karaktere.</p> <p>Pas tij vendosen emrat e autorëve, institucionet përkatëse dhe adresat e plota të tyre.</p> <p>Titulli, autori/ët dhe adresat vendosen në qendër.</p>
Autori/ët:	<p>Të gjitha individët që kanë dhënë një kontribut thelbësor në artikull duhet të listohen si autorë. Ju lutemi shkruani emrin dhe mbiemrin e autorëve si dhe përkatësinë. Përkatësia përfshin programin e studimit, universitetin ose vendndodhjen e tij, duke përfshirë qytetin, shtetin. Mos listoni gradat akademike, adresat personale dhe e-mailet. Emri mbiemri i autorit/ëve duhet të shkruhet me germa KAPITALE me font 12. Përkatësitë e autorit/ëve duhet të shkruhen me germa KAPITALE me font 10.</p>
Përmbledhja / Abstrakti:	<p>Abstrakti duhet të përshkruajë objektivin (et) kryesorë të studimit, të shpjegojë se si është kryer studimi dhe të përmbledhë rezultatet më të rëndësishme dhe rëndësinë e tyre. Abstrakti nuk duhet të kalojë 300 fjalë ose të përfshijë citime. Në punimet në gjuhën shqipe përmbledhja/abstrakti duhet të paraqitet në dy gjuhë, shqip dhe anglisht</p>



REPUBLIKA E SHQIPËRISË

UNIVERSITETI I ELBASANIT “ALEKSANDËR XHUVANI”
REKTORATI

Fjalët kyç:	<p>Punimi duhet të ketë jo më shumë se 5-7 fjalë ose fraza kryesore kyç të cilat pasqyrojnë thelbin e punimit. Fjalët kyç ose frazat kryesore duhet të ndahen me presje. Vetëm emrat, mbiemrat dhe shkurtesat e duhura duhet të shkruhen me shkronja të mëdha.</p>
Titujt dhe nëntitujt e punimit:	<p>Titujt shkruhen me shkronja të mëdha, shkronja të zeza pas një rreshti bosh. Nën-titujt shkruhen me shkronja të pjerrëta, me fjali. Ato numërohen duke përdorur numra arabë (1, 1.1, 1.2, 1.2.1..., 2, 2.1...). Kufizoni pjesët dhe nënseksionet e dorëshkrimeve në 3 nivele titulli.</p>
Punimi:	<p>Në hyrje bëhet një paraqitje e hollësishme e rëndësisë së problemit që do të jetë në qendër të punimit. Hyrja duhet të përshkruajë shkurt bazën për punën e paraqitur. Në hyrje tregohen objektivat dhe arsyet e ndërmarrjes së studimit, struktura e punimit si dhe shkurtimisht rezultatet e marra, diskutimet e kryera dhe të rejat që sjell punimi.</p>
	<p>Sfondi teorik: Në këtë pjesë bëhet një përshkrim i përgjithshëm i rishikimit të literaturës dhe vendoset tema e propozuar. Në punën kërkimore gjithnjë fillohet prej një baze teorike që është mbizotëruese në një fushë të caktuar shkencore.</p>
	<p>Formulimi i problemit dhe qëllimeve të punimit: Problemi shkencor duhet të përkufizohet qartë, saktë dhe mirë. Qëllimet e punimit duhet të jenë të harmonizuara me problemin. Parashtrimi i problemit edhe nëse ai qëndron si i tillë, duhet të jenë të lidhura kuptimisht me qasjen teorike, por edhe me hipotezat dhe metodat e parashikuara të kërkimit.</p>
	<p>Pyetjet dhe hipoteza: Pyetja e punimit duhet të formulohet qartë. Ajo duhet të nënkuptojë një hipotezë kërkimi që mund të verifikohet. Hipoteza e kërkimit duhet të jetë e formuluar saktë, në mënyrë që të shmanget dykuptimësia dhe kërkesat shtesë. Është e rëndësishme që gjetjet të paraqiten në mënyrë të tillë që mund të arrihet në përfundime. Në kërkimet cilësore është e rëndësishme që të kuptohen drejt dukuritë e hulumtuara dhe të tregohet se përvojat që pasqyrohen në to ndihmojnë të kuptuarit dhe lejojnë mbërritjen në përfundime të caktuara. Nëse përdorim kërkime sasiore apo një përzierje të të dyjave, është gjithashtu e rëndësishme të përcaktohet një numër kriteresh përmes së cilave një hipotezë pohohet ose mohohet.</p>
	<p>Materiali dhe Metoda duhet të paraqiten në mënyrë të detajuar. Këtu paraqiten metodat e ndryshme të përdorura në studim si dhe ato statistikore. Informacioni duhet të jetë i mjaftueshëm që të lejojë referimet.</p>



REPUBLIKA E SHQIPËRISË

UNIVERSITETI I ELBASANIT “ALEKSANDËR XHUVANI”
REKTORATI

	<p>Rezultatet dhe diskutimet duhet të jenë të qarta dhe të ilustruara në tabela dhe grafikë. Rezultatet eksperimentale duhet të analizohen statistikisht dhe të nxirren përfundime në bazë të një besueshmërie statistikore. Të njëjtat rezultate të dhëna me tabela nuk mund të jepen edhe me anën e grafikëve dhe anasjelltas.</p>
	<p>Konkluzionet: Konkluzionet që vijnë nga rezultatet e paraqitura duhet të diskutohen në mënyrë të plotë, të lidhen direkt dhe të mbështeten në rezultatet e arritura. Konkluzionet nuk duhet të jenë spekulative, të merren prej literaturës, njohurive të përgjithshme e spontane.</p>
Tabelat:	<p>Përmasat e tabelave, figurave dhe fotografive nuk duhet të kalojnë përmasat 12 cm në gjerësi x 18 cm në gjatësi. Tabelat duhet të vendosen në pikat e duhura të tekstit, midis paragrafëve, jo brenda tyre. Të gjitha tabelat duhet të kenë numrat dhe titujt e tabelave dhe duhet të referohen me numrin e tabelës në tekst. Numri dhe titulli i një table duhet të vendosen sipër, jashtë tabelës dhe në qendër të tabelës. Fonti 10, vetëm emërtimi i tabelës me Bold, dhe përshkrimi vetëm Italic. Shembull: Tabela 1. <i>Të dhënat e përgjithshme të studimeve.</i> Tabelat duhet të ndërtohen përmes përdorimit të funksionit Tabelës në Microsoft Word dhe nuk duhet të përfshijnë imazhe ose objekte. Ato nuk duhet të përmbajnë hapësira të panevojshme. Tabelat që janë shumë të gjata ose shumë të gjera për një faqe të vetme mund të shtypen në një madhësi fonti më të vogël ose të vazhdojnë në faqen tjetër.</p>
Figurat:	<p>Figurat, të cilat përfshijnë grafikë, tabela, harta, vizatime dhe fotografi, duhet të kenë një ndikim material në përmbajtjen e një artikulli dhe nuk duhet të përdoren për qëllime dekorative. Figurat duhet të vendosen në pikat e duhura të tekstit, midis paragrafëve, jo brenda tyre. Të gjitha figurat duhet të kenë numra dhe tituj figurash dhe duhet të referohen me numrin e figurës në tekst. Numri dhe titulli i figurës duhet të vendosen sipër dhe jashtë figurës. Fonti 10, vetëm emërtimi i figurës me Bold, dhe përshkrimi vetëm Italic. Shembull: Figura 1. <i>Të dhënat e përgjithshme të studimeve.</i> Figurat duhet të jenë me cilësi të lartë dhe duhet të përshtaten në një faqe.</p>
Akronimet:	<p>Mos përdorni shkurtesa jo standarde nëse ato nuk shfaqen të paktën tre herë në tekst. Mbani shkurtime në minimum.</p>
Shënimet / Footnotes:	<p>Shënimet janë të vendosura në fund të një faqeje. Ata citojnë referenca ose komentojnë një pjesë të caktuar të tekstit mbi të. Shënimet i referohen burimeve përkatëse - ata i bëjnë të ditur lexuesit tuaj se nga ka ardhur një material i caktuar, ose ku mund të kërkojnë burime të tjera mbi këtë temë.</p>
Referencat:	<p>Referencat renditen në fund të punimit. Ju lutemi sigurohuni që çdo referencë e cituar në tekst të jetë gjithashtu e pranishme në listën e referencave (dhe anasjelltas). Rezultatet e pabotuara dhe komunikimet personale nuk rekomandohen në listën e referencave.</p>



REPUBLIKA E SHQIPËRISË

**UNIVERSITETI I ELBASANIT “ALEKSANDËR XHUVANI”
REKTORATI**

Citimet e literaturës përgjatë artikullit duhet të bëhen duke përdorur emrin e autorit, të dy autorëve, ose të autorit të parë: p.sh. në përdorimin drejtpërdrejt në periudhë: Uherkovich (1963); Brakefield & Dowdeswell (1985); Van den Hoek et al. (1995); ndërsa në citimin e përgjithshëm: (Uherkovich, 1963; Brakefield & Dowdeswell, 1985; Van den Hoek et al., 1995). Literatura duhet të shkruhet qartë dhe e plotë, gjithë autorët, titulli i plotë, emri kuptueshëm i botuesit dhe faqet, si më poshtë (për librat dhe artikujt shkencorë përkatësisht):

Literatura në fund të artikullit:

Brakefield P. M. (1982): The ecological genetics of quantitative characters of *Maniola jurtina* and other butterflies. In: The biology of butterflies. Symposia of the Royal Entomological Society, London. No. 11: 167-190

Brakefield P. M., Dowdeswell W. H. (1985): Comparison of two independent scoring techniques for spot variation in *Maniola jurtina* (L.) and the consequences of some differences. *Biol. J. Linn. Soc.* 24: 329-345

Uherkovich G. (1963): Contributions a' la connaissance du potamo-phytoplankton de quelques fleuves de l'Albanie. *Acta Botanica, Ac. Sci. Hungaricae*, vol. 9: 161-172

Për një sistem referimi korrekt dhe të unifikuar do sugjerim të përdorni Mendeley Reference Manager ose paketa të tjera të menaxhimit të referencave të cilat ndihmojnë në menaxhimin dhe shkrimin e referencave. Për më shumë detaje ndiqni guidën <https://www.mendeley.com/guides/apa-citation-guide>.